

ՀՀ, ք. Երևան

«-----» ----- 202-----թ.

«Իրավաբանների հայկական ասոցիացիա» հասարակական կազմակերպությունը, ի դեմս նախագահ Կարեն Զադոյանի, որը գործում է ՀՀ Իրավաբանական անձանց պետական ռեգիստրում գրանցված իր կանոնադրության հիման վրա, այսուհետ տեքստում Պատվիրատու, մի կողմից, և ----- (-----), այսուհետ տեքստում Կատարող, մյուս կողմից, առաջնորդվելով ՔՀԿ-ների կողմից բյուջետային տեղեկատվության տեղեկացվածության, կարիքների և օգտագործման ելակետային գնահատման ծառայության N S 2 ծածկագրով գնման մրցույթի արդյունքների վերաբերյալ Պատվիրատուի գնման մրցութային հանձնաժողովի որոշմամբ և պատվիրատուի նախագահին ներկայացված առաջարկությամբ, կնքեցին սույն պայմանագիրը հետևյալի մասին.

## 1. ՊԱՅՄԱՆԱԳՐԻ ԱՌԱՐԿԱՆ

1.1 Կատարողը պարտավորվում է Եվրոպական միության կողմից տրամադրված NDICI-THE-NEAR/2022/439-255 դրամաշնորհային պայմանագրի միջոցների հաշվին «Իրավաբանների հայկական ասոցիացիա» հասարակական կազմակերպության կողմից իրականացվող «Բյուջեներ քաղաքացիների համար» ծրագրում (այսուհետ՝ Ծրագիր) Պատվիրատուին մատուցել ՔՀԿ-ների կողմից բյուջետային տեղեկատվության տեղեկացվածության, կարիքների և օգտագործման ելակետային գնահատման հետևյալ ծառայությունը.

1.1.1 Ուսումնասիրել և գնահատել ՔՀԿ-ների բյուջեների մշտադիտարկման և վերլուծության, այդ թվում պարզեցված բյուջերի կազմման տեղեկացվածությունը, կարիքները և կարողությունները, այդ թվում.

- Որքան՝ (ի՞նչ համամասնությամբ) ՔՀԿ-ներ ունեն ՀՀ պետական կենտրոնական մարմինների (ՀՀ կառավարություն, նախարարություններ, անկախ և ինքավար մարմիններ, ԱԺ հանձնաժողովներ և այլն) և տեղական ինքնակառավարման մարմինների բյուջետային հայտերի, բյուջեների մշտադիտարկման ու վերլուծության, այդ թվում պարզեցված բյուջերի կազմման փորձ և տեղեկատվություն,
- Որքան՝ (ի՞նչ համամասնությամբ) ՔՀԿ-ներ են կանոնավոր կերպով մասնագիտական վերապատրաստում անցել բյուջետային հայտերի, բյուջեների մշտադիտարկման ու վերլուծության, այդ թվում պարզեցված բյուջերի կազմման թեմաներով,
- Ի՞նչ կարողություններ կցանկանան բարելավել ՔՀԿ-ները, որպեսզի կարողանան իրականացնել բյուջետային հայտերի և բյուջեների մշտադիտարկում ու վերլուծություն, այդ թվում պարզեցված բյուջերի կազմում,
- Որո՞նք են բյուջեների մշտադիտարկման և վերլուծության, այդ թվում պարզեցված բյուջերի կազմման գործընթացում ՔՀԿ-ների մասնակցության հիմնական բացերն ու խոչընդոտները:

1.1.2 Ուսումնասիրել և գնահատել ՔՀԿ-ների մասնակցային բյուջետավորման և շահերի պաշտպանության իրականացման տեղեկացվածությունը, կարիքները և կարողությունները, այդ թվում.

- Որքա՞ն (ի՞նչ համամասնությամբ) ՔՀԿ-ներ են կանոնավոր կերպով մասնակցում ՀՀ պետական կենտրոնական մարմինների (ՀՀ կառավարություն, նախարարություններ, անկախ և ինքավար մարմիններ, ԱԺ հանձնաժողովներ և այլն) և տեղական ինքնակառավարման մարմինների բյուջետային հայտերի, բյուջեների նախագծերի քննարկումներին,
- Որքա՞ն (ի՞նչ համամասնությամբ) ՔՀԿ-ներ ունեն ՀՀ պետական կենտրոնական մարմինների (ՀՀ կառավարություն, նախարարություններ, անկախ և ինքավար մարմիններ, ԱԺ հանձնաժողովներ և այլն) և տեղական ինքնակառավարման մարմինների բյուջետային գործընթացում շահերի պաշտպանության իրականացման (ջատագրության) և հանրային քաղաքականությունների բարելավման փորձ և տեղեկատվություն,
- Որքա՞ն (ի՞նչ համամասնությամբ) ՔՀԿ-ներ են կանոնավոր կերպով մասնագիտական վերապատրաստում անցել մասնակցային բյուջետավորման, բյուջետային հայտերի նախագծերի կազմման, ինչպես նաև բյուջետային գործընթացում շահերի պաշտպանության (ջատագրության) իրականացման և հանրային քաղաքականությունների բարելավման թեմաներով,
- Ի՞նչ կարողություններ կցանկանան բարելավել ՔՀԿ-ները, որպեսզի կարողանան իրականացնել բյուջետային հայտերի և բյուջեների մշտադիտարկում ու վերլուծություն, այդ թվում պարզեցված բյուջերի կազմում:
- Որո՞նք են բյուջետային գործընթացում ՔՀԿ-ների մասնակցության և շահերի պաշտպանության իրականացման հիմնական բացերն ու խոչընդոտները:

1.1.3 Ուսումնասիրել և գնահատել ՔՀԿ-ների հարակից այլ կարիքները, կարողությունները, բացերն ու խնդիրները:

1.1.4 ՔՀԿ-ների իրազեկության, կարիքների և կարողությունների վերաբերյալ պատկերացումներ տրամադրել՝ ծրագրին տեղեկացնելու առկա բացերի և խնդիրների մասին, որոնց վրա պետք է կենտրոնանալ ծրագրի շրջանակներում ՔՀԿ-ների կարողությունների զարգացմանն ուղղված միջամտություններ մշակելիս,

1.1.5 ՔՀԿ-ների իրազեկության, կարիքների և կարողությունների վերաբերյալ տրամադրել ելակետային տվյալներ, որոնք կարող են օգտագործվել ծրագրի արդյունավետությունը չափելու համար (նախատեսվում է նմանատիպ գնահատում անցկացնել նաև ծրագրի իրականացման ավարտին):

Գնահատումը պետք է իրականացվի շուրջ 80-ից 100 ՔՀԿ-ների շրջանում, միաժամանակ՝ ընտրանքի միջոցով գնահատմանը ներգրավելով այդ ՔՀԿ-ների շրջանակից այն ՔՀԿ-ներին, որոնք գործում են արդարադատության, սոցիալական ապահովության, կրթության և գյուղատնտեսության ոլորտներում:

1.1.6 Կատարողը պետք է անդրադառնա նաև հետևյալ հարցերին և հաշվետվության շրջանակներում տրամադրի դրանց վերաբերյալ ելակետային տվյալներ.

- 2022 թվականի ընթացքում բյուջետային գործընթացների վերաբերյալ արդարադատության, սոցիալական ապահովության, կրթության և գյուղատնտեսության ոլորտներում գործող ՔՀԿ-ների վերապատրաստման

ծրագրերի առկայությունը, դրանց թիվը և կարգավիճակը, ներառյալ՝ մոդուլները, առցանց ուսուցումները և վիզուալիզացիայի գործիքները:

- 2022 թվականի ընթացքում արդարադատության, սոցիալական ապահովության, կրթության և գյուղատնտեսության ոլորտներում գործող ՔՀԿ-ների ներկայացուցիչների թիվը, որոնք ունեն հանրային (պետական) բյուջեների վերլուծության և մոնիթորինգի, մասնակցության և շահերի պաշտպանության բարձր հմտություններ: Այս տվյալները հարկավոր է ներկայացնել ըստ հետևյալ թիրախային խմբերի՝ կին, տղամարդ, երիտասարդներ, հաշմանդամություն ունեցող անձինք, գտնվելու (գործունեության) վայր:
- 2022 թվականի ընթացքում արդարադատության, սոցիալական ապահովության, կրթության և գյուղատնտեսության ոլորտներում պարզեցված բյուջեների քանակը, որոնք պատրաստվել են ՔՀԿ-ների կողմից:
- 2022 թվականի ընթացքում մոնիթորինգի ենթարկված բյուջետային ծրագրերի քանակը և առաջիկա տարիների ծրագրերի համար արդարադատության, սոցիալական ապահովության, կրթության և գյուղատնտեսության ոլորտներում գործող ՔՀԿ-ների կողմից մշակված առաջարկությունները:
- 2022 թվականի ընթացքում արդարադատության, սոցիալական ապահովության, կրթության և գյուղատնտեսության ոլորտներում գործող ՔՀԿ-ների իրազեկվածության մակարդակը՝ բյուջեների, բյուջետային գործընթացների, մասնակցության և ֆինանսների թափանցիկության լավագույն փորձի վերաբերյալ:
- 2022 թվականի ընթացքում արդարադատության, սոցիալական ապահովության, կրթության և գյուղատնտեսության ոլորտներում ՔՀԿ-ների և ՁԼՄ-ների կողմից իրականացրած շահերի պաշտպանության արշավների շահառուների թիվը:

Այս տվյալները հարկավոր է ներկայացնել ըստ հետևյալ թիրախային խմբերի՝ ՔՀԿ-ներ, ՁԼՄ-ներ, գտնվելու (գործունեության) վայր, կին, տղամարդ, հաշմանդամություն ունեցող անձինք:

1.2 Սույն պայմանագրի 1.1.1-1.1.6 կետերով սահմանված ծառայությունները մատուցում է մինչև 2023թ.-ի մայիսի 23-ը՝ համաձայն NDICI-THE-NEAR/2022/439-255 դրամաշնորհային պայմանագրի 1-ին հավելվածի՝ Գործողության նկարագրի ժամանակացույցի:

## 2. ԿՈՂՄԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

### 2.1. Պատվիրատուն իրավունք ունի.

- 2.1.1. Ներկայացնել դիտարկումներ և/կամ առաջարկություններ Կատարողին՝ սույն պայմանագրով նախատեսված ծառայությունների վերաբերյալ:
- 2.1.2. Կատարողից տեղեկատվություն ստանալ ծառայությունների մատուցման ընթացքի վերաբերյալ:
- 2.1.3. Տնօրինել, տիրապետել և օգտագործել մատուցված ծառայությունները՝ Պատվիրատուի կանոնադրությամբ նախատեսված նպատակների և գործողությունների իրականացման համար:
- 2.1.4. Ցանկացած ժամանակ հրաժարվել պատվերից՝ վճարելով Կատարողի կողմից փաստացի կատարված աշխատանքների և կրած վնասների համար:

2.2. *Պատվիրատուն պարտավոր է:*

- 2.2.1. Սույն պայմանագրի 3-րդ մասով սահմանված կարգով և ժամկետներում վճարել Կատարողին:
- 2.2.2. Քննարկել և ընդունել մատուցված ծառայությունների արդյունքները, իսկ թերություններ հայտնաբերելու կամ բարելավելու անհրաժեշտության դեպքերում՝ այդ մասին անհապաղ հայտնել Կատարողին:

2.3. *Կատարողը պարտավոր է:*

- 2.3.1. Պայմանագրով սահմանված պայմաններով և ժամկետներում ապահովել ծառայությունների պատշաճ մատուցումը՝ ղեկավարվելով գործող օրենսդրությամբ:
- 2.3.2. Պատվիրատուի պահանջով վերջինիս տեղեկացնել Ծառայությունների կատարման ընթացքի մասին:
- 2.3.3. Պահպանել գաղտնիությունը, առանց Պատվիրատուի համաձայնության երրորդ անձանց չտրամադրել Ծառայությունների մատուցման բերումով իրեն հայտնի դարձած տեղեկատվությունը:

2.4. *Կատարողն իրավունք ունի.*

- 2.4.1. Պահանջել պատվիրատուից վճարելու իրեն Պայմանագրի 3-րդ մասով սահմանված վճարման ենթակա գումարները:

**3. ՊԱՅՄԱՆԱԳՐԻ ԳԻՆԸ, ԺԱՄԿԵՏՆԵՐԸ ԵՎ ՎՃԱՐՄԱՆ ԿԱՐԳԸ**

- 3.1. Սույն պայմանագիրը ուժի մեջ է մտնում 2023 թվականի հունվարի 24-ից և գործում է մինչև 2026 թվականի մայիսի 26-ը ներառյալ:
- 3.2. Կատարողի կողմից Պատվիրատուին մատուցվող ծառայությունների արժեքը հաշվարկվում է հետևյալ կարգով. սույն պայմանագրի 1.1.1-1.1.6 կետերով նախատեսված ծառայությունների մատուցման արժեքը կազմում է ----- (----- հազար) ՀՀ դրամ՝ ներառյալ վճարվող հարկերը (առանց ԱԱՀ-ի) և պետական պարտադիր այլ վճարումները: «Բյուջեներ քաղաքացիների համար» ծրագիրը ազատված է ԱԱՀ-ից, որի վերաբերյալ գնման մրցույթում հաղթող անձին կտրամադրվի հարկազատման տեղեկանք:
- 3.3. Սույն պայմանագրի 3.2 կետով նախատեսված վճարումը Պատվիրատուի կողմից կատարվում է ՀՀ դրամով, փոխանցելով Կատարողի կողմից նշված հաշվի համարին: Վճարումը կատարվում է հետևյալ կարգով.
  - 3.3.1. Սույն պայմանագրի 1.1.1 – 1.1.5 կետերով նախատեսված ծառայությունների մատուցման Կատարողին վճարվում է ----- (-----) ՀՀ դրամ՝ 1.1.1 – 1.1.6 կետերով ծառայությունների ամբողջ ծավալով մատուցումից հետո՝ երկկողմանի հանձնման-ընդունման ակտը կնքելուն հաջորդող 2 (երկու) աշխատանքային օրվա ընթացքում:
- 3.4. Սույն պայմանագրի 3.3.1 կետով նախատեսված վճարման կարգը չի բացառում Պատվիրատուի կողմից սույն պայմանագրի 1.1.1-1.1.6 կետերով նախատեսված ծառայությունների մատուցման համար կանխավճարի վճարումը՝ Կատարողի գրավոր դիմումի հիման վրա: Իրավաբանական անձի կամ ԱԶ-ի դեպքում կանխավճարի փոխանցումները կկատարվեն փոխանցման հաշվի հիման վրա:

**4. ՖՈՐՍ ՄԱՃՈՐ**

4.1 Սույն պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել և կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և/կամ արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը և այլն: Եթե արտակարգ ուժի ազդեցությունը շարունակվում է երեք ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին տեղյակ պահելով մյուս կողմին:

**5. ԱՅԼ ՊԱՅՄԱՆՆԵՐ**

- 5.1. Սույն պայմանագրում ցանկացած փոփոխություն և լրացում վավեր է այն պայմանով, եթե դրանք կատարված են գրավոր և ստորագրված Կողմերի լիազոր անձանց կողմից:
- 5.2. Սույն պայմանագիրը կնքվում է հայերեն լեզվով՝ երկու հավասարազոր օրինակներից:
- 5.3. Պայմանագրի կապակցությամբ ծագած վեճերը լուծվում են կառուցողական բանակցությունների միջոցով: Համաձայնություն ձեռք չբերելու դեպքում վեճը ենթակա է լուծման դատական կարգով:

**6. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ԱՏՈՐԱԳՐՈՒԹՅՈՒՆՆԵՐԸ**

**ՊԱՏՎԻՐԱՏՈՒ**

«Իրավաբանների հայկական ասոցիացիա»  
հասարակական կազմակերպություն  
Հասցե՝ ՀՀ, ք. Երևան 0010, Նալբանդյան 7, բն. 2  
«Ամերիաբանկ» ՓԲԸ  
Հ/Հ ՀՀ դրամ՝ 15700-24466470400

**ԿԱՏԱՐՈՂ**

«-----»  
Հասցե՝-----  
Բանկային հաշվեհամար՝-----  
Էլեկտրոնային փոստի հասցե՝-----

ստորագրություն  
-----

ստորագրություն

Նախագահ՝  
Կ.Տ.

Կարեն Զադոյան